



Edizione diplomatica

167v	
	Aquesta es la razos da quest siruentes. BERtrams de born si era drutz duna domna gentil eioue efort prezada.et auia nom ma domna maeuz de montagnac moiller den tailairairan quera fraire del comte de peiregors et ella era filla del uesco(m) te de torena eseror de ma domna maria de uentedorn. et den elis demo(n)fort. esegon q(ue)l dis en son chantar el al parti desi eil det comiat don el fon mout tristz eiratz efetz ra-
	zo que iamaiz nola cobraria ni altra no(n) trobaua queil fos tan bella ni tan bona ni tan plazens ni tan enseignada. Epenset puois quel no(n) poiria cobrar neguna queill poges esser egals. e la soa domna li conseillet quel enfezes una en aital guissa. Quel soiseubes de las autras bonas domnas ebellas de chascuna una beutat o un bel semblan o un bel acuilimen o un auine(n) parlar o un bel capte nemen o un bel garan o un bel taill de persona. et enaissi el anet queren que atotas las bonas domnas que chascuna li dones un daquestz dos quem auetz auzitz nomar. per restaurar la soa domna cauia perduda.et el siruentes quel fetz da questa razon uos auzir ez no(m)mar totas las domnas alas quals el anet querre socors et ajuda afar la domna soiseubuda. el sirue(n)tes quel fetz daquesta razon si comensa. Domna puois de mi no(n) cal. Epartit mauetz de uos.

- letto 464 volte